

Segunda carta de San Pedro

Cristore t̄or̄ñ̄nr̄ãre Pedro papera ï cõare gaye

¹ Ñati m̄ua. Ȳu ña Simón Pedro, adi papera m̄uare cõagũ. Jesucristore moa ïsigũ ña ȳu. Ì oca ȳu goti ucutoni ȳure cũquĩ Ì. Ìti ñami mani ʘj̄u, ito yicõri manire masoru. Queno yigu ñari Ì yiro bajiroti mani t̄or̄ñ̄n̄roca yĩñi Jesucristo. Ìre t̄or̄ñ̄ncõri sigũre bajiroti ʘsi cuti wan̄ua mani. Ito bajiri adi papera m̄uare cõa ȳu. ² Diore, ito yicõri mani ʘj̄u Jesucristore cuni b̄uto b̄usa mani t̄oõaja, mani ya ʘsi queno wan̄u quenaroja manire. Ito yicõri queno manire ejab̄ua remogũ yiguĩji Dios. Ito bajiro m̄ua ñatoni m̄uare yiari Diore seni Ìsisotia ȳu.

Cristore t̄or̄ñ̄nr̄ã ñari ado bajiro ñaja quena, yire gaye

³ Manire beseñi Cristo Ìre bajiro Dios ñarã mani ñatoni. Ito yicõri Ì queno yi ñaro bajiro mani cuni yi ñatoni manire beseñi Cristo. Dios ñacõri, r̄etoro masigũ ñami Jesucristo. Ito bajiri Ìre mani t̄or̄ñ̄n̄ja Ì masi r̄etocũrisena manire ejab̄uagu yiguĩji. Ito yicõri Ì ãmoro bajiro mani cudi jeo masitoni, manire ejab̄uagu yiguĩji Ì. ⁴ R̄etoro masigũ ñari ado bajiro manire goticãñi Cristo: “Diore masibiticõri ñeñaro yi ʘyarã ñarãji adi macãrucũro gãna. Ìna ya ruju ñeñaro iti t̄oõajare ñeñaro yirã yirãji Ìna. Ìnare bajiro m̄ua yibe yirocu m̄uareama ejab̄uagu yiguja ȳu. Ito yicõri ȳu t̄oõarore bajiro

mua tuoŕaroca yigũ yigũja yũ”, yicãñi Cristo manire. ⁵ Ito bajiri Jesucristore riti tuorũnũrã ñari queno yi ñasotirũja manire ñja. Ito yicõri Dios ocare cuni riasotirũja manire. ⁶ Ito yicõri mani ya rujunati mani ñeñaro yi ãmorisere ñemecutirũja manire. Ito bajiro tuoĩacõri bato busa Cristore tuorũnũrũja manire. Ñre tuorũnũcõri, Dios ñ ãmoro bajiro riti mani yi ñaja quena. ⁷ Dios ãmoro bajiro yicõri, mani ñarãre cuni ti maija quena. Ito yicõri ñnare ejabuarũja manire.

⁸ Ito bajiro mani yija quenaroja manire. Ito bajiro yicõri Jesucristo ñ ãmoro bajiro riti yisotirã yirãji mani. Ito yicõri ñre moa ñsirã yirãji. Ito bajiro mani yibeja, ñre masirã ñabobarãti, ñre ejabuamena bajiro ñarã yirãji mani. Ito bajiri mani ñabobarise waja mano bajiroti ñarãji mani. ⁹ Ito bajiro queno yi masibicũama, “Ado bajiro yũ yire ãmoami Dios”, yi tuoĩa usiriogũ meje ñami ñocũ. “Yũ ñeñaro yirisere coeñi Dios”, yigũ ñabojagũti tũdi mũcana ãcabojagũ ñami ñocũ. ¹⁰ Ito bajiro yi ãmobitirũja yũ ñarã manire. Ito bajiri ñ ãmoro bajiro riti yi ñarũja manire. Ito bajiro ñacõri, “Yũre beseñi Dios. Ñ yagũ ña yũ”, yi tuoĩarã yirãji mani ñja. Ito bajiro yi tuoĩacõri ñeñaro yi ãyabitirũja manire. Diore riti mani cudija ñre tuorũnũ jidicãmenaji mani ñja. ¹¹ Ito bajiri Jesucristo mani Ujũ ñ rotitũñarõjũ ejarã yirãji mani. Ñ manire masogorũti ñari, ñ tũjũ mani ejaroca yigũ yiguĩji ñja.

¹² Adi oca masicãrã ñari itire queno cudia mua. Ito bajiro mua masicãrã ñabobarocati muare gotitũñagũ yigũja yũ. Ito bajiri mua ãcabojabe yirocũ, biyaro muare gotisotigũ yigũja yũ. ¹³⁻¹⁴ “Yoari meje godagũ yigũja yũ”, yũ yi masiroca yiñi mani

Ѓу Jesucristo уәре. Ito bajiri itire masicōri, уә catirocō мәәре goti ñagū yigүja уә maji. Ito bajiri уә gotirisere queno мәә тәoїәре әмоа уә. ¹⁵ Adi paperana ruje iti oca мәәре gotisoticүja уә. Ito bajiri уә godaja bero josari mejeti itire тәoїә бүjarā yirāji мәә.

Jesucristo yogү ã godo wedija ticү уә, Pedro ã yire gaye

¹⁶ Mani Ѓу Jesucristo ija ã masiro robo ã тәdi ejaroti gayere мәәре goticү уә. Уәmasi тәoїә руjeocōri meje itire мәәре goticү уә. Ado bajiroүә bajia iti gaye. Уәmasiti ãre ticōri, “Rētoro masigū ñami”, yi тәoїәcōri мәәре goticү уә. ¹⁷⁻¹⁸ Dios oca iti ruyuroca Jesús rāca gūta yucүrijү ñacү уә. Ito bajiri rētoro yi masigū ã oca ũmacүjү iti ruyuja тәocү уә cүni: “Äniti ñami уә Macү, уә maigū. ãre бuto wanүә уә”, yi ruyucү Dios oca, уә тәoja. Iti ruyuroca Jesucristo бuto yogү ã godo wedija ticү уә. Jeyaro iti rētaja ticōri, “Cristore бuto rācүbүoami mani Jacү Dios. Ito yicōri ã masirise jidicāñi Dios ãre”, yi тәoїә уә.

¹⁹ Iti rētaja tigorү ñari, “Diore goti ãsiri masa ñaro bajiroti queno yi ucayoñi ãna”, yi тәoїә уә ãja. Ito bajiri ãna ucayore mani тәorүнүja quena. ãna ucayore mani queno riasotija, “Ado bajiro уә yire әmoami Dios”, yi тәo masirā yirāji mani. Ado bajiroүә bajia. Rāitlarojү sīaticōri mani waja, wa masirāji mani. Ito bajiri guiјoroјү wamenaji mani. Itire bajiroti Dios oca mani riasotija, ãre cүdirā yirāji mani. Ito yicōri guiјoro рәore oca gotirāre тәorүнүmenaji mani. Ito bajiri Jesucristo ã тәdi ejaroto rioүә, Dios ocare riasotirā riti ña

yurujá manire. Ito bajiri Jesús eja wacuti mani t̃ho masibitire mani t̃ho masi jediroca yig̃u yiguñji. 20-21 Queno t̃ho ya m̃ua. Buto busa ñasarise m̃uare gotig̃u ya ỹu. Dios ocare rujeobiticã masa. Ñamasi t̃ho ña rujeocõri meje ucayijarã Dios oca goti ñsiri masa. Ado bajiroj̃ua bajia. Jane mejej̃u Diore goti ñsiri masare quedi sãjacõri, Dios oca ña uca masiroca yiyij̃u Espiritu Santo.

2

Ado bajiro riasorã yirãji ruori masa, yire gaye (Jud 4-13)

¹ Ito bajibojarocati gãjerãma ruore oca gotiyijarã ña. “Diore goti ñsiri masa ña g̃ua”, yi ruoyijarã ña. Adi rum̃ari c̃uni m̃ua wato ñarãji ñare bajiro ruo jairã. “Dios oca riojo gotirã ña g̃ua ñja”, yi riaso ruorã yirãji ña. Ito bajiro riaso ruocõri Jesucristo ocare masa ña jidicãroca yirã yirãji ña. Iti gaye riti meje ruorã yirãji ña. “Manire goda ñsir̃u meje ñami Jesucristo”, yi ruorã yirãji. Ito yicõri, “Mani Uj̃u meje ñami ñ”, yirã yirãji ña. Riojo meje riasorã yirãji ña. Ito bajiro ña yija t̃hocõri, yoari mejeti ruyuriog̃u yiguñji Dios ñare. ² “Mani ya ruj̃nati mani yi ãmorise mani yija quena”, yi ruorã yirãji ña. Ña ruorisere t̃hor̃nucõri jãjarã masa ñare bajiro ñeñaro yirã yirãji. Ito bajiro ñeñaro yicõri Cristo oca ñasarisere aja tudirã yirãji masa. Ito bajiri Cristo ocare ña aja tudija, ruore oca riasotirãre seti ñaro yiroja. ³ Ito yicõri m̃ua ya gajeoni b̃ja ãmorã, m̃uare ruorã yirãji ña. Ito bajiro ña ñeñaro yiroto rioj̃ua masicãyij̃u Dios. Iti masicõri, “Ña ñeñaro yirise waja, waja senic̃uja

yu”, yi tʉoʉayijʉ Dios. Ito bajiri co rʉmʉ ĩnare waja senirocʉ ācabojabiquʉji Dios.

⁴ ¿Dios ñaro gāna ángel mesa oca masiati mʉʉa? Jane mejeje mʉ jājarā ángel mesa ñeñaro yi āmorā queno Diore cʉdibisijarā ĩna. Ito bajija ticōri, “No yibea yʉre”, yibisijʉ Dios. Bʉto rāitʉaroje mʉ ĩnare cōayijʉ ĩ. Ito yicōri ĩna ñeñaro yirise waja, waja ĩ seniroti rʉmʉ rioje mʉ ito riti ĩnare cūyijʉ ĩ. Ito bajiroti rʉore oca riasotirāre cʉni bʉto waja senigū yiguʉji Dios. ⁵ ¿Jane mejeje Noé ñayorʉ ĩ ñaroca ñagoanare masiati mʉʉa? ĩna ñeñaro yirise ticōri ĩnare ruyurioyijʉ Dios. Ide jairo idé queoyijʉ, ĩna ruja godajaro yirocʉ. “Mʉʉa ñeñaro yirisere jidicārʉja mʉare”, yibojayijʉ Noé ñayorʉ masare. Ito ĩ yibojarocati jidicābisijarā ĩna. Ito bajiri Noé, ito yicōri ĩ ñarā je mʉ āmojeno ñarāre riti masoyijʉ Dios.

⁶ ¿Sodoma gāna ñabojana, Gomorra gāna ñabojana oca cʉni masiati mʉʉa? Bʉto ĩna ñeñaro yija ticōri, ĩnare ruyuriorocʉ jea queoyijʉ Dios ĩna ya cʉtorire. Ito bajiro yiyijʉ Dios, “ĩre cʉdimenati mani ñeñaro yija manire cʉni ruyuriogʉ yiguʉji Dios”, yi mani tʉoʉa masitoni.

⁷⁻⁸ ¿Queno yigorʉ Lot wame cʉtigʉ oca masiati mʉʉa? Sodoma gāna, Gomorra gānare cʉni ruyurio jebojagʉti ito gagʉ Lot sīgūreti ruyuriobisijʉ Dios. Diore rʉcʉbʉogʉ ñayijʉ Lot. Co rʉmʉ rʉyabeto ĩ tʉ gāna ñeñaro ĩna yija, tisotibojayijʉ Lot. Ito yicōri ĩna ñeñaro bʉsirisere cʉni tʉosotibojayijʉ ĩ. Rēore gaye ñabojarocati ñeñaro yi ajeyijarā ĩna āmʉʉa comasiti. Ito bajiro ĩna yija ticōri, ĩ ya ʉsijʉama bojori bʉjayijʉ Lot ñayorʉ. Ito bajiri ĩreama ruyuriobisijʉ Dios. ⁹ Iti ocare tʉocōri, “Mani

ñeñaro yitoni rāmú ĩ usirioro yi codeja, manire ejabuaḡu yiguĩji Dios. Ito yicōri mani ñeñaro yibe yirocū, manire ejabuaḡu yiguĩji ĩ. Ito bajiri ñeñaro yirāreama ācabojabiticōri, ĩja ĩ waja seniri rāmū ĩnare waja senigū yiguĩji Dios”, yi tūoĩa mani.

¹⁰ ĩna ya ruju iti ñeñaro tūoĩaro bajiro yirāre, ito yicōri, “Ujarāre cūdibicuja yū”, yirāre cūni buto buša waja senigū yiguĩji Dios. ĩna ñama ñeñaro bušicōri bojo masimena. “Gua āmoro bajiro buširā yirāji gua”, yama ĩnaōna. Ito yicōri ángel mesare rācūbūobiticōri, ĩna rotirisere aja tudirā yirāji ĩnaōna. ¹¹ ĩnare bajiro yibeama Dios ñaro gāna ángel mesa. Ruore oca riasorā rētoro masirā ñama ángel mesa. Rētoro masirā ñabojarāti, “Āna ruore oca riasori masa ñeñaro yirā ñama ĩna. Ito yicōri ĩnare seti ña”, Diore yi gotibeama ĩna. Ñeñaro bušitu āmomena ñama ángel mesa.

¹² Ito mūa wato ruore oca riasori masa, waibūcūrā bajiro queno tūoĩamena ñarāji ĩna. “Īja ado bajiro rētarō yiroja yure”, yi tūoĩa masibitibojarāti, ĩna āmoro bajiro riti yama ĩna. Ito yicōri Dios oca ĩna tūo masibitire, aja tudiamā ĩna. Waibūcūrāre mani sīaro bajiroti riaso ruorāre ĩna ñeñaro yija ticōri, ĩnare ruyuriogū yiguĩji Dios.

¹³ Ito bajiro yigūti ĩnare waja senigū yiguĩji Dios, masa ñeñaro tōbujaroca ĩna yire waja. Bojomenati, āmūati ñeñaro yama ĩnaōna. Ito bajiro yicōri itire buto wanūama ĩna. Mūa rāca minijuacōri “Queno yirā ña gua”, yi ruoama ĩna. Ito bajiro yibojarāti, buto ñeñaro tūoĩarā ñama ĩnaōna. Mūa queno tūo masibeja ĩnare bajiroti ñeñaro yirā yirāji mūa cūni.

¹⁴ Gāji manojore ticōri, “Iso rāca yi aje āmoa

yu”, yi tʉoĩama ĩna. Ñeñarise riti tʉoĩa uyama ĩna, ruore oca riasori masa. “Mani ya rujunati mani yi amorise mani yija quena. Itire ti tebiqũji Dios”, yi ruoama ĩna, Diore queno masimenare goti ruorã. Gãjerã ya gajeonire ti uocõri itire buja amorã tʉoĩarãji ĩnaõna. Ito bajiri ruore oca goticõri josari mejeti gãji ya gajeoni bujama ĩnaõna. Ito bajiro ĩna yi ñaja ticõri, ĩnare ruyuriogu yiguĩji Dios. ¹⁵ Dios oca quenarise tʉogoana ñabojarãti iti oca jidicãna ñama ĩnaõna. Ito bajiro gaje tʉoĩacõri ñeñaro tʉoĩama ĩna. Beor macu, Balaam wame cutigu ñayorare bajiro ñeñaro yama ĩna canı. Diore goti ĩsiri masu ñabojaguti niyeru buto maigũ ñari, “Ruore oca yu gotija queno bujagu yigũja yu”, yi tʉoĩabojayiju Balaam. ¹⁶ Ito bajiro tʉoĩaboja, burro joe ĩ jesa waroca, ado bajiro yiyiju Dios. Masure bajiro burro ĩ busiroca yiyiju Dios. Ito bajiro ĩ yirocati busisuyiju burro: “Buto ñeñaro yi tʉoĩa mu. Ito bajiro ñeñaro mu tʉoĩarise, tʉoĩabesa mu”, yi tudiyiju burro ĩre. Ito bajiro ĩ yija tʉo uacacõri, ĩ ñeñaro tʉoĩarise jidicãyiju Balaam ñayoru.

¹⁷ Queno tʉoya muu. Muare goti masiore ocana gotigu ya yu. Ide amorã jaibitiya warã yirãji mani. Ito ejacõri cara quearaya mani tija, bojori bujarã yirãji mani, ide idi amobojarã. Cũma ñaroca canı, ide bueri ti amarã yirãji mani ide amorã. Ito bajiro mani ti ama rũgõroca ide buerire mino iti wẽa rõtocõja bojori bujarã yirãji mani ide amobojarã. Iti mani amaro bajiroti, Dios oca tʉo amorã ĩ oca gotirã tũju warã yirãji mani. ĩna tũju ejacõri ruore ocati ĩna goti ñaja bojori bujarã yirãji mani, Dios oca quenarisere tʉo amobojarã. Ito bajiro ruore oca riasorãre ija ĩnare ĩ cõaroto buto rãitĩaro quenocãyiju

Dios. ¹⁸ Ñeñaro yirã ñacõri masa jeyarore wanure rãca rño gotiama ñna. “Mani ya rujunati mani yi ãmorise mani yija, quena ña. No yibea”, yi usirio codeama gãjerãre. Bajato yama ñna. Ito bajiro ñna riasoja tucõri, “Riti yama ñna”, yi tucõiarã yirãji canu busati Jesure masisnoana. Ito bajiri tãdi ñeñaro yi uyarã yirãji mucana, ñeñariserere jidicãbojana. ¹⁹ Ado bajiro gotiama rnoore oca riasori masa: “Jeyaro mani ya rujunati mani yi ãmorise mani yija, quena ña. No yibea. Ija co rumu mani jidicã ãmoja, jidicãrã yirãji mani”, yi rnoama ñna. Ito bajiro yibojarãti ñna ñeñaro yirisere jidicã masibeamã ñna. Ado bajirojua bajia. No ñeñariserere riti tucõia uyagu ñ ñeñaro yirisere jidicã ãmobiqũji ñ. ²⁰ No Jesucristo mani Ujũre tucõrũnarã adi sita ñeñariserere jidicãrã yirãji ñna. Ito yibojarãti mucana tãdi ñeñaro ñna tucõia uyaja, buto busa ñeñaro yirã yirãji ñna. Ito bajiri Jesucristore ñna tucõrũnuroto riojua ñna ñeñaro yiado rẽto busaro ñeñaro yirã yirãji ñna ñja. ²¹ Cristo oca masibojarãti, Dios rotiserere jidicãcõri tãdi ñeñaro yirã yirãji ñna. Ñna ito bajiro yija ticõri, buto busa waja senigũ yiguũji Dios ñnare. Ito bajiri Cristo ocare masibiticõrũjabojañi ñna. ²² Jane mejeju gaye oca gotire bajiro bajia adi. Tite muã: “Mũñocõri ñmasiti tãdi bagu yiguũji ecaru yai. Ecana yeseare mani guja bero ñnamasiti ueri wõrã yirãji ñna”, yi gotia jane mejeju gaye oca. Ito bajiroti yama Dios rotiserere jidicãcõri mucana tãdi ñeñaro yirã.

3

Ado bajiro, bajiro yiroja mani Ujũ ñ tãdi ejaroto

riojua, yire gaye

¹ Yua ñarã iti rumua mware papera cõacu yua. Ito bajiro yua cõarisenati Dios oca goticua yua. Quenarise riti tũoñajaro ñna yirocua, ito bajiro mware papera cõacu yua. Adi paperana cuni ito bajiroti uca yua m̄cana, quenarise riti m̄ua tũoña s̄uyajaro yirocua.

² Diore goti ñsiri masa ñna goti yurisere ãcabojabesa m̄ua. Ito yicõri mani Ujua oca ḡua goti ucutoni ñ cũana goti ucurisere cuni ãcabojabesa m̄ua. Manire masoru ñ rotirise goticua ḡua m̄ware.

³ Ñasarise mware gotigua ya yua. Ito bajiri itire queno tũoñaña m̄ua. Adi macãrucãro jediroto riojua Dios ocare aja tudiri masa jãjarã ñarã yirãji. Ito yicõri ñna ya rujunati ñna ñeñaro yi ãmorise yirã yirãji ñna. ⁴ Ado bajiro aja tudirã yirãji ñna: “¿Nojua ñati, ‘M̄cana tudi ejagua yigua yua’, yibojaru? Ito bajiro yiru ñabojaguti tudi ejabicua yiguñi Cristo. Tite m̄ua. Mani ñicusabatia ñna ñado bajiroti bajaia adi rumuri cuni. Iti rumujua ñado bajiroti bajaia adi rumuri cuni. M̄cana tudi ejabicua yiguñi Cristo”, yi aja tudirã yirãji ñna. ⁵ Ito yibojarãti adi macãrucãro Dios ñ rujeorere tudi tũoña uya ãmobeama ñna. “Ñ ya ocanati adi macãrucãro gayere rujeoyijua Dios. Ito yicõri idere ñ bata rotirocati sita ruyucoayijua ñja”, yi tũoña ãmobeama ñna. ⁶ Ado bajirojua bajaia. Adi macãrucãro Ujua ñami Dios. Ito bajiri ñ rujeoja bero yoari ñeñaro masa ñna yija ticõri, ide queda rotiyijua Dios. Ito bajiro yicõri adi macãrucãro ñarãre ito yicõri adi macãrucãro gaye jeyarore ruyurioyijua Dios. ⁷ Adi sita, ito yicõri macãrucãro cuni Dios ñ masirisena riti ña. Ito bajibojarocati itire ruyuriogua yiguñi Dios. Ñ ya ocana riti adi macãrucãrore

ruyuriorocu soe jeogu yiguĩji Dios. Masare ĩ waja seniri rumu ito bajiro soe jeogu yiguĩji Dios. Ito yicõri ñeñaro yirãre waja senicõri ĩnare ruyuriogu yiguĩji Dios.

⁸ Yu ñarã adire ãcabojabesa mua. Æsirioro yigu meje ñami mani Æju. ĩ tija yoabea mil rodori ñarise. Co rumuacãti bajiro bajaia ĩ tija. ⁹ Mani tijama yoari sejami Dios. “Ĭ yiro bajiro ejori yibeami ĩ”, yi tuoĩa mani. Ito bajiro mani tuoĩabojarocati, ado bajirojua bajaia. Ñeñaro yirãre ejori ruyurio ãmobeami Dios. Masa jeyarore ti maicõri sĭgũ jeameju ware ãmobeami Dios. Ito bajiri, “No yure tuorũnugãreti jeame ãjuroju cõabicu yiguja yu”, yi tuoĩacõri ĩnare yugu yiguĩji Dios maji.

¹⁰ Ito bajiro yubojaguti co rumu tudi ejagu yiguĩji Jesús. “Jane tudi ejagu yiguĩji ĩ”, mani yi tuoĩabiti rumu tudi ejagu yiguĩji Jesús. ĩ tudi ejari rumu ũmacãju guijoro oca ruyuro yiroja. Ito yicõri macãrucãroju yobojana jedirã yirãji. Ito yicõri adi sita jeyaro ñabojarise ua jedicoaro yiroja. Masa ĩna menigobojare cuni jeyaro ua jedicoaro yiroja. Ñejua ruyabeto yiroja ĩja.

¹¹ “Ito bajiro adi sitare ruyuriogu yiguĩji Dios”, yi tuoĩacõri, ado bajirojua yiruja manire. Quenarise riti yiruja manire. Ito yicõri Diore rucuborã ĩ yiro bajiro riti cudiruja manire. ¹² “Co rumu mani Æju tudi ejagu yiguĩji”, yi tuoĩa ñaruja manire. Ito bajiro tuoĩacõri, “Coji ĩ ejare ãmoa yu”, yi tuoĩaruja manire. Ito bajiro tuoĩacõri quenarise riti yi ñaruja manire. “Ĭ ejari rumu macãrucãro, adi sita ñarise jeyarore ruyuriogu yiguĩji Dios”, yi tuoĩa mani. ¹³ Iti tuo masibojarãti gũi usiriomenaji mani. “Dios

ĩ ãmoro bajiro yigũ yiguĩji”, yi tũoĩa mani. “Adi macãrũcũrore ruyuriocõri jacajũ cũni ũmacũjũ cũni mame rujeo wasoagũ yiguĩji Dios. Ito yicõri itojũ queno yirã riti catitĩñarã yirãji”, yi tũoĩa mani. Ito bajiri Dios ĩ bũsigore masicõri gũi ʘsirio menati ĩre yurã yirãji mani.

14 ĩ tũdi ejari rũmũ bocati ñarã ñacõri, mani ñeñaro yirisere jidicã jeorũja yũ ñarã manire. Ito yicõri, “Ĩ ãmoro bajiro riti yicũja yũ”, yi tũoĩa ñarũja manire. Ito bajiro yi ñarãti Dios rãca sīgũre bajiroti ʘsi cũti ñarũja mani. Manire ĩ ti wanũtoni ñe seti mana mani ñaja quena. 15 Coji ĩ ejabeja ticõri, ado bajiro yi tũoĩarũja manire. “Masa jãjarã bũsa maso ãmogũ adi macãrũcũrore ruyuriorocũ ʘsirio beami Dios”, yi tũoĩarũja manire. Adi yũ ucare bajiro mũare ucañi Pablo mani maigũ cũni. Dios ĩ masirisena ito bajiroti yi ucañi Pablo mũare. 16 Coji rũyabeto mũare ucagũ iti oca gotiñi Pablo. Ito bajibojarocati josari ña ĩ riasogore oca. Ito bajiri ĩ ucagore tũo masi ãmomenama ricati riasorã yirãji. “Ado bajiro yi ãmoñi Pablo”, yi rũorã yirãji ĩna. Ito bajiroti Dios oca tuti ticõri wisare oca riasorã yirãji ĩna. Ito bajiro ĩna yija ticõri, ĩnare waja senirocũ ĩnare ruyuriogũ yiguĩji Dios.

17 Queno tũoya yũ ñarã mũa. “Dios oca riasori masa ña gũa”, yibojarãti rũore oca gotirã yirãji coriarã. Itire tũo masicã mũa. Iti masicõri queno tũoĩa yucãña mũa. Diore cũdimena ĩna rũorise ocare tũorũnũbesa mũa. Ito yicõri Jesure tũorũnrã ñari ĩre jidicãbesa mũa. 18 Ado bajirojũa mani yija quena. Bũto bũsa mani ʘjũ Jesucristore tũorũnrũja manire. Ito yicõri ĩre mani cũdi ma-

sitoni, ã ocare riasotirujaja manire. Ìti ñami manire masorã. Ito bajiri ãre rãcãbuorona ado bajiro ãre busitĩñarujaja manire: “Rẽtoro masigã ña mã. Ñimã gãji mãre bajiro masigã mami”, yitĩñarujaja manire. Itocõ ña.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 21 Feb 2024 from source files
dated 29 Jan 2022
2581ee54-739f-5595-8d44-83c638ed667b